

曾文正公奏議卷四

遵 旨覆奏疏

奏爲遵 旨覆奏仰祈

聖鑒事伏查臣軍共計一萬數百人現正圍攻安慶多
隆阿一軍現攻桐城李續宜一軍現駐青草塢援應兩
路均屬吃緊之際前奉

寄諭命臣等傳

旨令都興阿酌帶馬步隊四五千入馳往江北當經飛
咨該將軍並咨商督臣官文撫臣胡林翼悉心籌酌計

都興阿之軍須從皖北各營中抽調兵力已不能不分
此刻安慶賊勢尙強臣若盡撤以赴蕪湖甯國則桐城
之師不能獨立該逆若再乘機上犯楚疆必將應接不
暇臣處自蕭啟江張運蘭撥赴楚蜀後不獨將領無獨
當一面之才且兵力亦太單薄難當巨寇目下賊勢全
趨常蘇如常州不支斷非進攻蕪湖一著之所能牽綴
此臣軍不能舍安慶而趨蕪湖之實情也

諭旨又以左宗棠熟悉湖南形勢戰勝攻取調度有方
目下賊氛甚熾兩湖亦所必欲甘心應否令左宗棠仍

在湖南本地襄辦團練等事抑或調赴該侍郎軍營俾
得盡其所長以收得人之效並著曾國藩酌量辦理等
因欽此查左宗棠剛明耐苦曉暢兵機當此需才孔亟
之際或飭令辦理湖南團防或飭赴各路軍營襄辦軍
務或破格

簡用藩臬等官予以地方俾任籌兵籌餉之責均候
聖裁無論何項差使惟求明降

諭旨俾得安心任事必能感激圖報有裨時局除飛咨
楊載福欽遵

諭旨迅巡下游江面並俟都興阿成軍由督臣官文主稿會奏外所有遵

旨覆奏各緣由理合專摺由驛六百里馳奏伏乞

皇上聖鑒訓示施行謹奏

咸豐十年四月十三日

通籌全局疏

奏爲欽奉迭次

諭旨通籌全局並辦理大概情形恭摺覆陳仰祈

聖鑒事竊臣於四月二十二日准張芾來函蘇州於十

三日失守旋接王有齡咨函常州於初六日失守無錫

於初十日失守張玉良於十四夜回抵杭州等語接閱

之下駭憤莫名竊以爲蘇常未失卽宜提兵赴援冀保

完善之區蘇常旣失則須通籌各路全局擇下手之要

著求立腳之根本自古平江南之賊必踞上游之勢建

領而下乃能成功自咸豐三年金陵被陷向榮和春等皆督軍由東面進攻原欲屏蔽蘇浙因時制宜而屢進屢挫迄不能克金陵而轉失蘇常非兵力之尙單實形勢之未得也今東南決裂賊燄益張欲復蘇常南軍須從浙江而入北軍須從金陵而人欲復金陵北岸則須先克安慶和州南岸則須先克池州蕪湖庶得以上制下之勢若仍從東路入手內外主客形勢全失必至仍蹈覆轍終無了期臣所部萬餘人已進薄安慶城下深溝固壘挖濬長濠若一撤動則多隆阿攻桐城之軍亦

須撤回卽英山霍山防兵均須酌退各路皆退則軍氣
餒而賊氣盛不但鄂邊難以自保卽北路袁甲三翁同
書各軍亦覺孤立無援是安慶一軍目前關係淮南之
全局將來卽爲克復金陵之張本此臣反覆籌思安慶
城圍不可遽撤之實情也臣奉

恩命權制兩江必須帶兵過江駐扎南岸以固吳會之
人心而壯徽甯之聲援無論兵之多寡將之強弱臣職
應南渡不敢稍緩現定於十日內拔營渡江駐扎徽州
池州兩府境內擬于江之南岸分兵三路第一路由池

州進規蕪湖與楊載福彭玉麟之水師就近聯絡第二
路由祁門至旌太進圖溧陽與張芾周天受等軍就近
聯絡第三路分防廣信玉山以至衢州與張玉良王有
齡等軍就近聯絡目下安慶之圍不可驟撤臣函商官
文胡林翼酌撥萬人先帶起程一面分遣員弁回湘添
募勁勇陸續趕赴行營以資分撥約須七月方能到齊
八月方能進剿此臣移師皖南擬募新勇分途勦辦之
情形也從前金陵大營以蘇常爲根本餉糈軍械源源
取給故能支柱數年臣今自皖南進兵應以江西爲根

本昨據安慶營中盤獲逆首陳玉成自金陵發來僞文
內稱現派賊目楊輔青李世賢李壽成等直取蘇常再
攻徽浙以竄江西又擬派賊目吳如孝張樂行由定遠
壽穎六霍以竄湖北兩路大舉等語蘇常已失則該逆
所稱各狡計均屬意中之事急須先事預防湖北各軍
有官文胡林翼調度堵遏諒可無虞江西兵力單弱實
不足以折新勝之燄禦百倍之賊必須湖南勁旅越境
協防湖南撫臣駱秉章素顧大局爲

聖主所深知此次賊若窺伺江西所有兵勇餉械仍當

借資湖南臣等往返咨商竭五六兩月之力辦江楚三省之防仰仗

皇上威福能待兵勇漸齊布置漸定然後賊衆始至與之力戰所以保固江西兩湖者在此所以規復安徽三吳者亦卽在此目今賊燄方熾人心大震但求立腳之堅定無論逆氛之增長此臣聞賊計大舉上犯擬先防而後勦之情形也臣才識短絀夙乏遠畧姑就近處籌畫畧陳梗概其松江等屬是否尙存蘇省文武殉難若干暨淮陽完區如何設法保全應俟查明熟籌陸續陳

奏其起程日期亦俟另疏具報謹將遵
旨統籌全局並辦理大概情形先行繕摺由駙六百里
覆奏是否有當伏乞

皇上聖鑒訓示謹 奏

咸豐十年五月初三日

曾文正公奏議 卷四

欽此 奉 聖 旨 覽 奏 三 日

是 上 聖 鑒 萬 事 無 誤

臣 等 奏 告 仰 祈 聖 鑒

臣 等 奏 告 仰 祈 聖 鑒 大 清 宣 統 元 年 十 月 十 日

奏 告 仰 祈 聖 鑒 具 奏 奏 稿

請起用道員疏

奏爲請

旨起用告養回籍之道員以固東防而資

熟手恭摺奏祈

聖鑒事竊臣擬三路分兵進取業經同日奏明臣由徽池一路前進賊必由衢廣等處窺犯江西爲牽制馳突之計江西之東防卽浙江之上游亦卽福建皖南之關鍵是衢廣一路防兵最爲喫重非得威惠素著之大員不能得力查告養按察使銜九江道沈葆楨明而能斷咸豐六年在署廣信府任內堅守郡城保全東路嗣蒙

簡用監司仍留防務籌兵籌餉吏畏民懷八年春石逆
自撫建傾巢竄浙卒不敢直犯郡城其後李元度守廣
豐玉山均因該道接濟得全其去廣信也士民遮道攀
轅來臣處遞呈請留者凡數十次該道以二親年老又
事多掣肘力請告歸現當時局艱難聞該道雙親尚健
自應先

國後家共勵澄清之志合無仰懇

天恩俯准

敕下福建撫臣傳諭該道迅由本籍馳赴江西由臣會

商撫臣奏委署理地方官仍辦廣信防務節制在防文武將來再請

簡補司道各缺以期呼應靈通於大局必有裨益至該道器識才畧實堪大用臣目中罕見其匹謹會同江西撫臣毓科合詞附驛具陳伏乞

皇上聖鑒施行謹奏請

旨

咸豐十年五月初三日

早土墾聚散計

無益補採台同領轉具難升

置器歸水客實掛大州耳日中罕見其列滿會同

前部同前各知以限平惠靈頭估人員承辦各生

方錄來再審

前部同前各知以限平惠靈頭估人員承辦各生